



# ARUBA ANSE COURANT



Diario



pa Aruba



ANJA 23

DIAHUEBS 7 JUNI 1962

No. 4355

## REACCION OFICIAL RIBA CARTA DI SOEKARNO

DEN HAAG, 7 juni. — Un bosero dje ministerio di asuntunan interino, cu nan a pidi pa comentario riba e teksto dje carta di 5 di juni, di president Soekarno na secretario general interino di Nacionnan Uni, a declara lo siguiente: „E insinuacion cu Indonesia ta ehecuta su actividadnan militar cu e fin pa proteha e poblacion di West Papoea contra e opresion cruel di Hulanda cu ta aumenta, ta mes mentiroso y ridiculo manera e insinuacionnan, cu cientos di procento a muri y ta presu y cu nan a kita libertad di algun door di ponenan den e campo di concentracion na Digol. E unico Papoea cu nan a mata na Nieuw

Guinea Hulandes, a wordu tira door di un dje paracaidistanan, Indones. Hopi periodista interino y di exterior, cu ta goza na Nieuw Guinea Hulandes di completo libertad di movimiento y por manda nan noticianan pa tur parti di mundu sin censura, ta den oportunidad di pone nan mes completamente na altura.

Hulanda a declara mas di un biaha, cu e no tin nada di sconde pa observadornan di Nacionnan Uni y a invitacion di pone nan mes na altura. Pero ta Indonesia cu ta contra.

### PARLAMENTO FRANCES TA RECHAZA MOCION

PARIS, 7 juni — Asamblea General di Francia a rechaza cu un mayoria aplastante e mocion den cual nan ta desapropa politica di gobierno.

E gaulistanan, e partido M.R.P., socialistanan y e centro democratico a vota contra di e mocion. S'pracion di e independentenan y derecho, cu a sinti nan mes ofende door di palabranan di premier Pompidou, a dicidi na ultima ora pa nan vota na favor di e mocion. E mocion a wordu presenta door di e partido pa union di e republica.

Prome cu nan a vota riba e mocion premier Pompidou a tene un discurso emocionante, den cual el a acusa esnan cu a entrega e mocion di falsedad, unda cu nan ta bisa cu gobierno frances ta comete traicion den e caso pa un Europa uni.

### E ELECCIONNAN NA ARGENTINA

BUENOS AIRES, 7 juni — Un huez na Buenos Aires, Hector Vallejo, ayera noch a declara cu e decision di 25 di april di gobierno argentino, den cual eleccion di e 47 delegadonan peronista ta wordu declara nulo, ta contra di constitucion. Di circulanon oficial nan a informa, cu gobierno lo apela inmediatamente.

Manera ya tabata anuncia anteriormente e eleccion di delegadonan peronista a trece cu ehercito a tuma poder over den e pais, y nan a baha president Frondizi pa nombra na su lugá Jose Guido. President Guidó, dia binti di mei a manda congreso pas tempo ilimita, te ora cu nan lo pone tene eleccionnan nobo.

### INGLATERRA Y MERCADO EUROPEO

LONDEN, 7 juni. — Diesdos miembro conservativo di parlamento Ingles a pidi gobierno pa stop e negociacionnan na Brussel cu e seis paisnan di EEG y mihor e gobierno atende su mes cu desarrollo di un politica comercial positivo pa mancomunidad.

Nan ta kere, cu e seis paisnan di EEG a participa Heath, cu nan no ta dispuesto na negocia riba e base di posibilidadnan igual di venta pa paisnan di mancomunidad.

### VICTIMANAN NA E RACES RIBA E ISLA MAN


DOUGLAS, 7 juni. — Na e races riba e isla Man dos dje manehadornan a hanja avara tardi herida serio. E habitante di Nueva Zeelandia di 28 anja Colin Meehaba sali durante e races for di caminda y a muri inmediatamente. Den e mesun race e Australiaco Tom Phillis a perde poder riba su honda. El a sali for di caminda y ta seramente herida. Na caminda pa hospital el muri. Despues den e mesun race e Ingles Eccles a cai, y nan mester a transporte na hospital. Na e start di clase 125CC e corredor Japonés Takahashi tambe a hanja herida serio. Dje dos corredornan cu a muri Tom Phillis ta esun di mas conoci. Na anja 1961 e tabata e campeon mundial di Honda den clase 125CC. Phillis cu ta biba na Sydney, a gana anja pasa e prijsnan grandi di tanto e clase 125 como 250-CC, na Francia. Hulanda y Argentina y tambe e anja aki e abatin exitosnan grandi den e Grands Prix di Spanja, Francia y Inglaterra.

### CONDENACION NA ALEMANIA WEST

VERDEN, 7 juni. — Heinrich Wessel, ex guardia di campo di 57 anja, dje campo di concentracion di Nazi Sachsenhausen, a wordu ayera condena na Alemania West pa siete anja den prison pa motibo di complicidad na asesinato riba 16 persona. Wessel tabata mas di dos anja den arresto provisional. Nan lo kita e tempu aki di su pena.


## Na COLEMAN modern y sólido ta bai huntú!

Articulan pa cas di kerosin of gasolin.




### STOOF DI MESA

1 candela f 16,—  
2 candela „ 22,50  
3 candela „ 29,—



### Lanterna

f 28,50  
„ 34,50



### FORNU APART

f 11,50



### HERU DI STRIKA

f 20,—  
„ 24,—



### STOOF DI LUJO

\* 4 CANDELA  
\* FORNU  
\* LOGA PA WEJA

f 320,—

NA CUOTA:  
f 60,— na man  
f 26,— pa luna

MARCHENA MORON & CO N.V. Palais Royal

## Orquesta Sinfonica Venezuela ta bini Aruba

ORANJESTAD. — Na principio di juli venidero Aruba lo por goza di un presentacion di Orquesta Sinfonica Venezuela, cual durante su gira via Trinidad y Corsow lo bishita nos isla tambe, asina nos a wordu informa diasabra pa e director, dr. Samuel Lisman Baum, cu kende nos tabatin un entrevista cortico den oficina di Consulado Venezolano na Oranjestad.

F A T U M—Tel.: 1845  
pa tur bo aseguranon

Ta prome bez cu e orquesta aki ta pasa na Aruba y Corsow pa duna un presentacion. Na a bishita varios otro paisnan cuba, entre otro Peru y Colombia, na unda nan presentacionnan tabatin exito grandi. Durante e gira aki cu ta cuminsa na fin di juni, nan lo duna un programa dia 30 di juni na Trinidad, dia 1 di juli na Corsow, 2 di juli na Aruba, 3 di juli na Maracaibo y dia 4 di juli na Caracas na unda nan ta finalisa e gira cu un gran fiesta.

E gira aki, a bira posibel door di

Riba „Memorial Day“ tambe riba e gran cimiterio di honor na Limburg, e meicanonan a ser recorda cu a muri den gera mundial II. Hopi muchanan di scol ta pone flor riba e grafnan.

yudanza di ministerio di Educacion na Venezuela, den nan esfuerso pa mira mas intercambio artistico entre nos islanan y Venezuela. Pa e gira aki nan tin como huesped especial e famoso director Jacques Singer y e famoso pianista Sydney Foser kendenan tambe lo bini Aruba pa reforsa e agrupacion cu ta conta di menos di 104 persona.

E director dr. Samuel Lisman Baum, durante e entrevista no por a informa nos tuma, na unda e presentacion lo jama lugar exacto na nos isla, pasobra nan mester busca un sitio adecuado cu por carga e orquesta grandi aki y cu por duna un bon reproduccion dje zonido dje orquesta. Un cos e director a asegura nos cu nan lo mantene e entrada mihor posibel di manera cu tur hende por asisti na e unico presentacion cu lo tuma lugar na nos isla, y pa cual ocasion un programa masha especial a wordu selecta.

Nos ta spera di bolbe cu mas informacion tocante binimento di e orquesta Sinfonica Venezuela na su debido tempo.

### FISICA CULTURA NA EAGLE BEACH

ORANJESTAD. — Aruba Amateur Association lo tene un encuentro di hisadornan di peso i cultura fisica na „Club San Martino“ na Santa Cruz (patras di „Club Estrella“). Diadomingo, Juni 10, 1962, cuminsando pa 10.00 a.m. en punto. Esaki lo ta prome biaha cu A.A.W.A. lo tene tal sorto di encuentro na Santa Cruz. Precio di entrada ta Fls. 0.50 pa persona.

For di resultado di e encuentro aki hisadornan lo wordu selec a basa ariba totalnan di cualificacion estableci door di A.A.W.A. pa biaha pa Corsow pa tuma parti den un contest di „tryout“, cual lo wordu teni door di Curacaoche Gewichtheffers Bond diasabra, juni 16, 1962. Motibo di e contest di „tryout“ aki ta pa selec a e mihor team posibel pa representa Antillas Neerlandes na e Juegonan Centro Americano y Del Caribe, cual lo wordu teni na Jamaica durante luna di Agosto 1962.

Tambe lo tin un encuentro di fisica cultura na aire liber, cual lo wordu teni na Eagle Beach, dialuna, Juni 11, 1962, cuminsando pa 11.00 or di mainta, pa selec ganador di e titulo „Mr. Muscle Beach“. Directiva di A.A.W.A. ta spera cu lo tin un gran cantidad di landador na e playanan pa e dia di fiesta ki, i pa via di esei e show lo wordu presencia pa varios cientos di hende. Tur hende ta cordialmente invita pa ta presente.

### MAJOOR HEINEN NA LIGA DI MUHENAN

ORANJESTAD, 7 juni. — Ayera noch, Major Heinen, comandant di guarnicion di Marinianan na Savaneta a tene un conferencia Liga di Muhenan Protestant Cristian. E major a papia over di „Palestina“ e lugá na unda e realidad e tabata comandant di un destacamento den servicio di Nacionnan Uni. Esaki tabata den e periodo di un gera corto entre Israel i Egipto.

### TERCER DOMI NA ARUBA!

ORANJESTAD, 7 juni. — Den e ultimo reunion di kerkeraad di Cominidad Protestant na Aruba a ser discuti respectu e posibilidad di extension dje cantidad di dominan na tres. A duna encargo na investiga tur posibilidadnan.

### ACCION DI MIEMBRONAN DI FILMLIGA

ORANJESTAD, 7 juni. — Film-liga Aruba a inicia un accion grandi pa por conquista a mas tantu miembro. E organizacion aki ya ta conta cu 500 persona. Ta parce cu e anja aki nan quier pasa e cifra di 600. E as cu cual nan ta spera awor na trek e mucha muhenan i cu nan inserbi nan foi awor, nan por hanja etrada liber foi awor te na fin di anja. Aki ta asunto dje pelicula corona „Ansiktet“ di Ingrid Bergman, e cineast conoci Suez. Mientras kende cu bira miembro awor lo por goza di mira tur e peliculan na un prijs homi reduci. Den un edicion anterior nos ta recorda cu dia 10 i 11 p.v. lo presenta tambe e pelicula di Pareha Real.

### PICNIC DI FAMILIA RIBA DOS DIA DI PENTECOSTES

ORANJESTAD, 7 juni. — Miembronan di Indische Club lo tene un picnic segundo dia di Pentecostes, den curucú di Jan Besems. Lo tin un magico pa tene muchanan dibertido. Pa 10 or di mainta tur hende ta bonbini cerca familia Bezems.

### RIVERPLATE A REPARTI PUESTONAN

ORANJESTAD. — Den reunion di directiva, teni d'a 29 di mei p.p. e miembronan electo a reparti e puestonan den Directiva, pa anja 1962/1963 y e siguiente personanan ta forma e directiva:  
H.E.L. — Presidente;  
F. Marquez. — Vice-presidente;  
G.F. Tromp. — Secretario;  
J. Perez. — Segundo secretario;  
L.D. — Thomas. Tesorero;  
A. Chirino. — Segundo tesorero  
J. Andrews. W. Andrews, y D.R.E. Jackson. — Ta Comisarios.

## Ehercito secreto a sigui su actuacion liber

ARGEL, 7 juni. — E organisacion ultimamente derechista di ehercito secreto, a declara den un tal transmision pirata di radio, cu for di ayera noch, lo reanuda su actuacion liber.

E locutor, cu a yama su mes „bosero“ dje comando supremo di ehercito secreto, a declara cu e deliberacionnan entre representantenan di comunidatnan Europeo y Mahometano na Argelia a fracasá.

Esaki lo nifica cu e Europeoan lo ta somete na e practica dje ehercito Argelino di liberacion.

El a declara, cu e carta di ex-general Joughaud, den cual e ta haci un peticion pa stop e operacionnan di ehercito secreto na Argelia, ta un fasyfacion. „Crea door die oficina di president De Gaulle“. E locutor a bisa cu te ainda ta posibel na habri deliberacionnan entre representantenan dje comunidat Europeo y Mahometano na Argelia.





# REPORTAGE FOTOGRAFICA DI ULTIMO EVENEMENTONAN DI ELECCIONNAN



Diputado O. S. Henriquez tambe a corre den e parada di demostracion cu a worde teni diadomingo pasa. Durante e parada e tabata den compania di srta. Lydia Henriquez, cu kende nos ta mirele sinta den un auto convertible.




Srta. Juanita Vrolijk, kende a presenta pa vota den e stembureau na Santa Cruz, no tabatin nada di keha pa falta di atencion, ora cu e seniorita a puntra kiko e mester haci cu e papel cu ela caba di yena. Srta Vrolijk casualmente tabatin e tarjeta nr. 1 dje stembureau den Sta. Cruz Bar na Sta. Cruz.



Diadomingo atardi nos a mira tambe ministro J. E. Yrausquin y senjora Yrausquin den e parada.



Gezaghebber interino I. S. de Cuba tambe a participa den e parada di P.P.A. Aki nos ta mirele cu su sonrisa 'riba cara.




Durante e parada di P.P.A. diadomingo atardi, tabatin diferente dificultad na varios sitio na unda e parada tabata pasa. Dilanti Banco Hulandes den Nassaustraat algun mirones a ranca banderanan di P.P.A. for di autonon cu tabata pasa y benta esakinan 'riba caja. Ora cu e autonon pasa 'riba e banderanan nan tabata grita di pret. 'Riba e portret nos ta mira varios bandera tira 'riba caminda, mientras cu un di e-mironesnan, cu no ta di acuerdo cu e procedimiento aki ta worde amenza.



Na tur e stembureauan tabatin un multitud grandi dialuna for di mainta tempran te ora cu e stembureauan a cera. Cada grupo di simpatizadornan tabata sarga nan borchinan y banderanan. Apesar cu hopi dje supporternan tabata hobon, toch tabatin hopi actitud un poco violenta de bez en cuando.



Aki 'riba ministro E. O. Petronia durante e parada di diadomingo.



Precies cinco minuut pa seis e personanan di stembureau no. 14 na Paradera a sali un ratu for di e lokal calor pa tuma poco aire fresco. Riba e portret aki nos ta reconoce e president di e stembureau aki, sr O. J. Boekhoudt, na drechi banda di sr. A. M. Arends y na robex sr. C.A.M. de Jong.

## DELIBERACION DI DESARME

GINEBRA, 7 juni. — Na e conferencia di desarme na Ginebra e minister Ingles di estado pa exterior, Godber a papia tocante liquidacion di armanan nuclear. E a critica e proposicion Ruso pa den prome etapa di desarme deshaci tur medio pa biba armanan nuclear na nan destino y te den di dos etapa deshaci di e armanan mes.

E Ingles a mustra, cu entre otro Rusonan tin mas di cien avion di pasahero di e tipo TU-104, cu ta traha segun e model di e avion di bombardea TU-16.

Pues den e sala aqui por warda suficiente di e cargamentunan pa destrui capitalnan di tur paisnan cu ta aqui presente.

El a admiti tambe cu tambe e avionnan di aviacion, civil na occidente por worde reconstrui pa uso militar, pero esey lo ta mas dificil ya cu e avionnan ey ta construi especial-

mente pa aviacion civil. Pues el a pidi pa stipula medidanan extenso di control.

E Ruso Zorin a declara, cu e plan Mericano — cu e otro participante nan di occidente na e conferencia — ta worde apoya, no ta duna un solucion pa e kestion di eliminacion pa semper di un guerra nuclear. El a bisa cu ora e di dos etapa cuminsa, por cierto e ins alacionan militar lo keda existi den forma actual.

## OTRO PUESTO PA MINISTER DI FINANCIEN CUBANO

HAVANA, 7 juni. — E minister Cubano di financien, capitan Rolando Diaz Aztarain a worde nombra como hefe di e armada revolucionaria. Como minister di financien a worde nombra Luis Alvarez Rom.

## FALTA DI ZETA DI MOTOR NA CUBA

HAVANA, 7 juni. — E ministerio Cubano di comercio interior a stipula, cu automobilistanan Cubano en lo futuro no tin mag di grease y cambia zeta, si no ta ora cu esey a bira berdaderamente necesario. Tin un falta di zeta di motor na Cuba.

## COOPERACION ENTRE CUNARD Y BOAC

LONDEN, 7 juni. — Cunard Steamship Co. Ltd. y BOAC a establece un compania bao de nomber BOAC-Cunard, cu lo forma e desafio Britanico di mas grandi pa e concurrencia di exterior riba routanan Atlantico den aire, asina nan a anuncia ayera.

Den e capital di accion di 30 million libra esterlina BOAC lo contribui cu 70 por ciento y Cunard cu 30 por ciento.

Tambe BOAC lo trece ocho avion dje tipo boeing 707 y Cunard dos Boeing 707. E compania lo ehecuta tur e servicicionan riba e hemisferio occidental. E territorio di explotacion dje empresa nobo aki lo keda entre Gran Britania, Merca, Mejico, Centro America, Golfo de Mejico y territorio Caribe, cu prolongacion pa Peru, Ecuador, Colombia, Venezuela y Guyana Ingles.

## IRREGULARIDAD ESTUDIAN-TIL NA BARRANGUILLA

BOGOTA, 7 juni. — Varios agente di poli's y solda a wordu herida ayera, ora cu estudiantenan a batiele cu piedra. Polis a trata pa stroba un demostracion prohibi na e puerto di Barranguilla, na e costa Caribe di Colombia. Gobierno di Colombia a manda un mocion special pa Barranguilla pa trata pa obtene un solucion pa e huelga di mas di un siman di maestronan di school y estudiantenan.

E estudiantenan na varios instalacion universitario na Bogota a proclama pa ayera un huelga.

## PRIKKELDRAAD PA SUR VIETNAM

MELBOURNE, 7 juni. — Trahadornan di haf na Melbourne a protesta ayera contra e orden di nan sindicato pa reanuda e cargamentu di prikkeldraad pa Survietnam abordo dje bapor Hulandes di carga „Houtman". Ayera e trahadornan a stop di traha despues cu un funcionario di e sindicato a bisa na un reunion di trahadornan di haf cu e ta kere, cu nan lo usa e waya pa acompaña di concentracion. Un funcionario di gobierno di Australia a bisa despues, cu e waya ta pa proteha e poblacion Sur Vietnames contra atakenan inespera di guerrilleros comunistas.



Tabata Hugo Gari di Servicio Informativo, kende tabatin e honor dialuna anochi di scirbi resultadonan dje votonan ariba e borchin grandi, cu tabata para banda di oficina di Servicio Informativo den Zoutmanstraat.







# Conferencia cumbre di comegon ta bai cuminza

MOSCOU, 7 juni. — Ayera a cuminsa tras di portanan cerra e conferencia cumbre di comecon, e conseho pa ayudo mutuo economico di paisnan comunista. For di algun dia pasa nan a anuncia e deliberacionnan, pa segun nan ta spera lo dura te na fin di siman, pero te ayera noch nan no a cuminsa oficialmente cu nan a cuminza.

Segun un anuncio inoficial e lideran di Union Sovietica, Polonia, Tsjecho Slovakia, Bulgaria, Alemania Oost, Roemenia y Hungria a reuni na Kremlin.

Un observador a representa buienmiongo. Tanto for di fuertenan occidental como comunista, nan a menciona pa e pintonan di agenda di e reunion:

1. Un contra-accion comunista contra e comunidad economico Europeo.
2. E stipulacion di un programa di verobering pa paisnan comunista, cu ta necesario door dje desicion pa keda dilanti di Merca den e

## HUDIU Y NEO FACISTANAN NA ROMA

ROMA, 7 juni. — Polis di Roma ayera noch mester a intervi cu homnan lactrimogeno pa pone un fin na bringamentunan entre neofacistanan y hudiu. Simpatizadornan di e partido Neo-fascista a regresa di un reunion di partido riba un plaza na Roma y na rand di e barrio hudiu a cuminsa bringa cu ciudadanonan hudiu.

Dos homber a worde herida door di e bringamentu y nan mester a worde transporta pa hospital. Mas laat den anochi autonan cu altu parlante tabata bai den direccion di e barrio di hudiu, pero polis a forma un barrera y a stroba nan di drenta den e barrio. Nan a detene cuatro homber pa interrogacion.

carra riba territorio di armamentu nuclear y armamentu cu raket.

Un consideracion nobo di coordinacion di e plan di 20 anja di paisnan comunista, cu ta yega te 1980.

Ya nan a haci un cuminzentu cu e coordinacion aki.

## INGLESAN PRESU DI PATHET LAO

VIENTIANE, 7 juni. — E embahada ingles na Vientiane ta bisa di ta informa di fuente fidedigno, cu dos miembro di e embahada a worde cohe presu door di soldanan di Pathet Lao comunista.

Parce cu nan a cohe nan den e provincia Swavane, unda nan a bai pa haya contacto cu dos medico ingles, cu un biha cuba a worde cohe presu door di Pathet Lao.

Segun observadornan e comunistanan, cu anteriormente a declara nan mes dispuesto pa laga e dokternan sali liber, ta malcontentu di e hecho cu Thailandia a manda avionnan di caza pa Inglaterra.

## DERECHANAN DI IMPORTACION NA MERCA

WASHINGTON, 7 juni. — E comision pa caminda y medianan di e camara Mericano di diputados a iguala e caminda pa un discusion tocante e peticion di president Kennedy pa duna autorisacion pa rebaha derechanan di importacion.

E proposicion di gobierno, segun nan ta calcula, aki dos siman lo worde presenta den e camara pa votacion riba dje. E lo duna president Kennedy oportunidad pa rebaha cierto tarifa na acuerdo a base di mutual cu casi cincuenta porciento.

## ORA CU BO TA DESCANSA DEN DIA....

y bo ta laga bo fantasia traha, bo sa yega tin biha na ilusionnan util. Esaki ta masha bon y te hasta favorable, contal cu esaki por worde combina cu un modo di spaar sistematico. Si bo forma e voluntad y e energia p'esaki, sin duda esaki ta e medio mas apropia pa haci bo sonjonan bira realidad.



Bo placa di spaar ta gana interes!  
cuminzando un cuenta di ahorros  
na  
**3% Banco Popular Antiliano**

## REGIMEN NA GUINEA PORTUGUES

CONAKRY — Amilcar Cabral, lider di un dje partidonan, cu ta pone resistencia contra e regimen portugues na Guinea, a bisa e miembronan dje comision special di investigacion di Naciones Uni, cu e reforma portugues di anja pasa solamente a aumenta e opresion na Guinea. Na december di anja pasa Asamblea General a establece e comision aki, despues cu Portugal a ninga di duna informacion di su territorionan di ultramar.

Algun dia pasa e comision aki a yega Conakry for di Ghana. Na Ghana nan a interroga refugiadonan for dje territorio portugues. E comision ta consisti di 7 miembro, y tambe a bai Congo y Tanganika. Cabral a declara, cu e nivel di bida na Guinea portugues, a baha door di e rebaho di export, y aumento di prijsnan di importacion, cu

cual nan lo paga e gastonan pa e lucha na Angola. Segun Cabral, solamente tres mil cada mil africano na Guinea portugues ta goza di cierto derecho y 99 porciento dje poblacion ta analfabeto.


## YAMAMENTU DI JOUHAUD

ARGEL, 7 juni. — Den circulonan Europeo na Argel nan a ricibi e yamamentu di ex-general Jouhaud pa pone un fin na e terror di e organizacion di eheerito secreto favorablemente. E unico reserva lo ta cu nan ta hantia cu Jouhaud mester a tuma e paso aki mas tempran, si e no kier a duna e impresion di kier salha su bida. E Mahometanonan tambe ta favorece e yamamentu.

## MINISTER IRLANDES PRESIDENT DI ILO

GINEBRA, 7 juni. — Nan a eligi e minister Irlandes di comercio, industria y relacionnan laborista, John Lunn, pa president dje organisacion internacional di labor.

Our special cake of the week is:  
**BANANA CAKE FL. 5.—**  
Delicious Pies a weekend treat for your family.  
Every week:  
**FRESH CREAM CAKE FL. 6.50**  
**Royal Bakery Rainbo Bakery**  
Tel. 1327 SAN NICOLAS  
ORANJESTAD Tel. 5064



## REDDY KILOWATT



## ELECCION PA STATEN 1962

Territorio Electoral Aruba

Conclusion di Oficina Electoral di Territorio Electoral Aruba unda cu resultado di e votacion di 4 di juni 1962 pa miembronan di Staten a ser stipula, ta na disposicion di un y tur cu ta desea di mira nan, na Oficina di Censo, J. G. Emanstraat 39, Oranjestad.

Na number di Presidente di Oficina Central Electoral.

Hefe di Departamento di Censo y Registro Civil

Oranjestad 6 juni 1962.

DICK TRACY pa cortesia di: **CIGARIA ANTILLANA** e cigar mas preferi  
Cu filter y sin filter. Agente: J. H. (Yendi) Croes — Aurora Bar Tel. 1041.

1. "Si un weso di dede gekraak. E mester a dal un hende terribel duro". 2. "Mi-hor mi pone su man un poco dia den yeso". "Okay doc". 3. "No salu, awa di ijs, nada no ta juda. Su wowonan ta habri pero e no ta mira nada". 4. "Nos socio nobo y director di publicidad! Nos gran estudiante y advisor! Manda for di su conocementu door di un macacu!"




RIP KIRBY pa cortesia di: **Jan Bodegom en Co (Aruba) N.V. TEL.**  
agente exclusivo di FRIESCHE VLAG lechi evapora do y lechi en polvo. MAXWELL HOUSE KOFFIE 1284 — 1402

1. "Dr. Packer tabata herida y e no por a bai mucho leeuw...". 2. El campamento di chicheros... 3. "Com ta bai Dr. Packer"? "Rip, bisa e persona aki cu ya mi por move. E ta un enfermero masha stricto..."



EL DIARIO DE UNA VIDA presenta pa cortesia di: **PIET'S SODA FOUNTAIN**  
e mejor adres pa snacks, tur clase di dushi, softdrinks, ice-cream y revistas

1. "Nan ta bisa cu e criminal ta bolbe semper na e luga di e crimen...". 2. E victima no ta bolbe. Ser sincero cu bo mes Dundee... 3. Ta e crimen ta haci bo curioso of ta Van Every?"



PEPITA pa cortesia di: **Antillian Hardware Co**  
Bo mejor adres pa HERMENT, Y TUR MATERIAL DI CONSTRUCCION!

1. "Mi ta cansa di mira television tur anochi". 2. "Tur ora cowboy y gangsterman cu ta mata otro!". 3. "Y papa?" "E tabata un poco nervioso y el sali bai keiro pa varia un poco..."



## Openbare Oproeping

Heden de vijfde (5e) juni 1960 en twee en zestig, ten verzoeken van PETRA ROMANA JACOBS, zonder beroep, echtgenote van JUAN PRESBITERO CORNELIE, kleermaker, die verklaart zijn echtgenote bijstand en machtiging te verlenen tot het instellen van de onderhavige vordering, beiden wonende aan de Socotorolaan no. 21 te Oranjestad op Aruba en voor deze zaak aldaar te hare woonplaats domicilie kiezende; heb ik, Modesto Oduber, deurwaarder bij het Hof van Justitie en bij het Gerecht in Eerste Aanleg, Zittingsplaats Aruba en wonende op gemeld eiland aan de Sibellusstraat no. 17 te Oranjestad; aan LAURENTIUS JACOBS, laatst gewoonde hebbende te Oranjestad op Aruba, doch thans afwezig en zonder bekende woonplaats, mitsdien mijn exploit doende door aanplakking van een afschrift dezes en van na te melden stukken aan de hoofddeur van het Gerechtsgebouw van het Gerecht in Eerste Aanleg, Zittingsplaats Aruba, terwijl gelijke afschriften door mij, deurwaarder, zijn overgegeven aan de Edelachtbare Heer Officier van Justitie bij voormeld Gerecht, door wie het oorspronkelijk van dit exploit met „gezien” is getekend, terwijl eindelijk dit exploit zal worden geplaatst in de Arubaanse Courant;

### 1) BETEKEND

een uittreksel der minuten, berustende ter Griffie van het Gerecht in Eerste Aanleg, Zittingsplaats Aruba, houdende een verzoekschrift, waarmede verzoekster zich tot voormeld Gerecht heeft gewend, zomede daaraop gegeven rechterlijke beschikking van de 17de mei 1962;

### 2) DE GEREQUIREERDE GEDAGVAARD

om op woensdag TWAALF (12) september 1962 des voormiddags te 8:30 uur, te verschijnen ter terechtzitting van de Gerecht in Eerste Aanleg, Zittingsplaats Aruba; ten einde aangezien gedaagde, vader van de eiseres, in het jaar 1917 van Oranjestad op Aruba, alwaar hij toen woonachtig was heeft verlaten zonder orde op zijn zaken gesteld, of volmacht tot het waarmaken daarvan gegeven te hebben; aangezien derhalve sedert de laatste tijd van gedaagde meer dan 5 jaren zijn verlopen en dat sedert zijn vertrek geen bericht is ingekomen, waaruit van zijn aanwezig of overlijden blijkt; aangezien eiseres belang heeft, dat er ten aanzien van gedaagde rechtsvermoeden van overlijden worde uitgesproken en zij verlot gevraagd en bij de betekende beschikking verkregen heeft om de gedaagde vnd. bij openbare dagvaarding op te roepen;

Mitsdien ten aangewezen dage in persoon of door iemand van zijnentwege van zijn aanwezig te doen blijken, bij gebreke waarvan door eiseres, na het vervullen der ten deze voorgeschreven formaliteiten zal worden geconcludeerd, dat bij vonnis worde verklaard dat er ten aanzien van de gedaagde voornoemd sedert het jaar 1917 rechtsvermoeden van overlijden bestaat; kosten rechtens.

De deurwaarder b/h Gerecht vnd.,  
(get) M. Oduber.

Gezien de Officier van Justitie vnd., AOM  
(get) F. Wernet.

Pa medio di esaki nos ta manda nos mas sincero gratitud na tur esnan kende a demostra nan atencion durante e corto enfermedad di nos inolvidable mama y esposa

## EPIFANIA WERNET

Tambe un palabra di gradicimento na dokter J. R. Chan y su ajudante.

Na number di su jiuhan, esposo y familianan.

Mei 27, 1962.

ARIES  
21 Maart — 20 April



Esaki ta un bon weekend pa bo bay viahenan, bishtanan i paseionan en general i tambe e ta bon pa contacto.

TAURUS  
21 April — 20 Mei



E bista general ta satisfactorio pa compranan i tambe pa intencionan priva, hobynan i cosnan por estio.

GEMINI  
21 Mei — 20 Juni



Bo tin e poder pa bo aplica bo na persona i circumstancianan. Hasi uso di esei.

CANCER  
21 Juni — 22 Juli



Ayudo ta disponible, contal cu bo dirigi bo na e persona preciso i trece bo problema nan dilanti sin vavila.

LEO  
23 Juli — 22 Augustus



Sea e weekend aqui altruistica, haci algo pa otro nan, aunque cu esei ta perhudica bo un poco.

VIRGO  
23 Augustus — 22 September



Bo por bini awe den relacion cu personanan cu di un of otro manera ta bira interesante.

LIBRA  
23 September — 22 October



Bo por mira e desarollonan dje weekend-plan aqui favorablemente. Tur cos lo ta na bo favor.

## HOROSCOOP DI AWE

Pa cortesia di

**BOTICA ARUBA**

„Bo botica di

confianza”

tel. 1080-1081

SCORPIO  
23 October — 22 November



Un aspecto venturoso ta avisa pa e desarollo economico. No custumbra na haci gastu.

SAGITARIUS  
23 November — 21 December



Ta tempo pa un bo forzan cu e nan di otro mundo, pasobra den e bo tin bo ventaja.

CAPRICORNUS  
22 December — 19 Januari



Lo nan haci fuertemente un apelacion riba bo serbicialidad i bo ayudo eventual. No larga di yudo si bo por.

ACUARIUS  
20 Januari — 18 Februari



Bo ta goza di influencianan favorable di planeta cu principalmente ta di interes pa hobby i semehante.

PISCES  
19 Februari — 20 Maart



Trata na tur manera na pasa e weekend aqui dje beritico cu hendenan derbi bo ambiente.